



UNIVERSITÄTS-
BIBLIOTHEK
PADERBORN

Thesavrvs|| Locorvm|| Commvnivm|| Jvrisprvdentiaē

Barbosa, Agostinho

Lipsiæ, 1697

Cap. X. Nemo.

[urn:nbn:de:hbz:466:1-80071](https://nbn-resolving.org/urn:nbn:de:hbz:466:1-80071)

IIX.

Negotiis secularibus sacerdotes se non debent implicare. *cap. quoniam. §. distinct. 10. cap. consequens 2. cum seqq. duob. distinct. 88. c. cum ad 6. dist. 96. cap. reprehensibile 23. quest. 8. c. contrarium 3. de penit. dist. 5. c. t. c. sed nec 4. extr. nec cler. vel monach. Monachus enim negotiorum secularium expertus esse debet. c. sunt nonnulli 25. §. neque enim. 16. qu. 1. c. credo 2. cum §. seqq. 21. q. 3. nec Episcopus de iis cognoscere. cap. te quidem 11. quest. 1. neque etiam sacerdotes testes esse possunt. cap. quanquam 14. q. 2. nisi quando seculares idonei non adessent, ne veritas occultetur. d. cap. quanquam 2. 14. q. 2. quemadmodum nec Laici divinis. c. cum ad verum 6. dist. 96. generaliter enim dicitur, eos qui se negotiis alienis ingerunt, quod alius paratus erat suscipere, non tantum de lata & levi, sed etiam levissima culpa teneri. §. igitur cum quis in fin. Instit. ut. de oblig. quæ ex quas. contr. nasc. l. 6. §. videamus 12. ff. de neg. gest. cum culpa in hoc non careant, quod se alienis negotiis sine necessitate aliqua ingesserint, quod alii forsitan diligentius & melius essent gesturi. l. culpa est. ff. R. l. Joh. Gædd. 1. Consil. Marp. 24. n. 6.*

IX.

Negotia quæcunque ibi finienda sunt, ubi orta, *cap. nec extra 7. §. 9. 9.*

X.

Negotium dum proponitur, causa est, dum discutitur, iudicium, dum finitur, iustitia. *cap. forum 10. extr. de V. S.*

XI.

Quoties alterius intuitu negotium non est gestum, toties non datur actio negotiorum gestorum. Nam ut actio negotiorum gestorum competat, potissimum inspicitur animus gerentis, & an aliorum fuerit negotium; si enim proprium negotium gesserim, non possum dici quasi contraxisse l. 6. §. 4. ff. de negot. gest. Exemplum est in illo, qui bonâ fide impensas in rem alienam fecit, cui ideo actio negotiorum gestorum nondanda l. 33. ff. de condic. indeb.

XII.

Quoties quis ignorantis negotium gerit, toties locus est actioni negotiorum gestorum. nam sciens mandasse videtur l. 61 §. 2. ff. Mandat. Et l. qui patitur 18. ff. eod. Quid ergo pro alio ignorante solvit, habet actionem negotiorum gestorum l. 45. ff. de neg. gest. Idem est, si à debitoribus quid exigit. l. 45. §. fin. ff. eod.

Limita: ut idem sit, si quis quidem sciat negotium suum geri, & præsens sit, mandare tamen non possit, nam & sic datur hæc actio, ut si pupilli, prodigi vel furiosi negotium geram l. 3. §. 4. Et §. eod.

XIII.

Quoties res inutilis suscepta, toties ad casum obligatur gestor l. 10. §. 1. ff. de negot. gest. quia sic aliqualis culpa præcessit casum; imputandum enim utique gestori, quod in necessitatem & utilitatem gestionis non prius inquisiverit. Ita ergo si quis alterius nomine in loco parum sive

nihil tuto edificaverit, de casu tenebitur. *Conf. l. 11. ff. eod.*

Limita: nisi Dominus ipse tale quid facturus fuisset. d. l. 11.

XIV.

Quoties quis prohibentis negotium gerit, toties actionem negotiorum gestorum inde non consequitur l. fin. C. de neg. gest.

Ratio: quia sic cessat quasi Contractus & præsumtus Domini consensus, quod voluerit negotium suum geri: ubi enim certa est Domini voluntas, ibi non opus est conjecturis. Ita ergo si Dominus prohibuerit, ne quisquam solveret pro eo, & alter nihilominus solverit, non habebit regressum. d. l. fin. Licebit enim pro invitoolvere l. solvendo 39. ff. de neg. gest. scil. ut liberetur debitor, non verò ut competat repetitio.

Limita: ut procedat (1.) in eo, quod post prohibitionem gestum sit, non ante. d. l. fin. (2.) si gestio solius prohibentis utilitatem concernat, secus si respiciat utilitatem publicam, e. g. si quis ades ruinosas fulciat, aut in funus aut studia filii quid impendat. *Manz. ad tit. Instit. de Neg. Gest. n. 154.* (3.) si velit actione negotiorum gestorum experiri, secus si actio cessa sit ab eo, cui pro invito solvit.

XV.

Quoties quis rem alias perituram gerendam suscipit, toties tantum tenetur ad culpam latam, quia hic periculum in morâ: præstat ergo negotium ex parte egisse, quam planè neglexisse. Exemplum est in l. 3. §. 9. ff. de neg. gest. Idem est si quis ex incendio vel à bancruptore rem aliquam servaverit.

CAP. X.
Nemo.

Axioma 1.

NEMO dat quod non habet, l. traditio 20. ff. de acquir. rerum domin. l. nemo plus 54. ubi Decian. & Cagnol. ff. de R. l. l. si filius 14. C. de donat. cap. quomodo 41. de consecrat. dist. 4. cap. quod autem 3. de jure patron. cap. nemo plus 79. de Reg. Jur. lib. 6. citavi plures Doctores sup. lib. 4. c. Dare. num. 1. Cancer. part. 1. cap. 1. num. 208. Robles de represent. lib. 2. c. 16. num. 71. Pacian. 1. consil. 118. num. 23. Et consil. 149. n. 50.

II.

NEMO plus juris in alium transferre potest, quam ipse habeat. l. 2. C. de pænis. l. 1. C. qui pro sua jurisdictione, cap. nemo potest 79. de Regulis Juris. lib. 6. Surd. consil. 126.

fil. 126. num. 31. Pichard. ad pr. Instit. de acquirit. per arrogat. n. 49. Joseph. Sesse Aragonia decis. 188. n. 15. & 23. Cas. Argel. de contradict. legit. quest. 9. num. 58. Rot. decis. 688. n. 1. apud Farin. p. 2. Robles lib. 3. cap. 7. n. 21.

III.

Nemo præsumitur immemor salutis æternæ, l. fin. C. ad L. Jul. repet. hinc dicitur, morientem non præsumi mentiri. Gramm. consil. crim. 57. n. 13. licet non omnis moriens dicatur Sancti. Johannes Baptista, idem consil. 70. post num. 3. & d. consil. 57. post n. 15. Bald. de pac. Constant. vers. vassalli & vot. 3. n. 15. cum seq. nec omni sancto semper credendum. Gloss. in cap. si bis n. 9. 3.

IV.

Nemo debet damnari ex præsumtionibus & conjecturis, l. 3. §. scio ff. de minor. Andr. in Constit. super incisionibus col. 3. circa med. cum aliis allegat. per Gram. consil. crim. 13. n. 37. vot. 10. n. 39. vot. 21. n. 8. vot. 23. n. 11.

V.

NEMO videtur eligere viam, per quam judicium suum subvertatur. lib. 3. vers. nec credendus. ff. de milit. testament. l. quoties 13. ff. de reb. dub. l. quoties 81. ff. de verb. obl. c. Abbatis. juncta gloss. verb. potius. de verb. significat. Cardin. Mantica. de conject. ult. volunt. lib. 2. tit. 1. Menoch. de præsumpt. l. 6. præf. à princ. Reinoso obj. 14. n. 15.

VI.

NEMO tenetur ad impossibile. dixi supr. lib. 9. c. Impossibile.

CAP. XI.

De Nepote.

Axioma I.

Nepotes continentur sub nomine filiorum, quoties versamur in materia favorabili. l. 120. §. 4. ff. de V. S. quia favorabilia sunt extendenda. Ita ergo Senatus-Consultum Macedonianum etiam ad nepotes portigitur l. 6. C. ad Sc. Maced. ita beneficium filio à principe concessum etiam ad nepotem spectabit arg. l. beneficium 3. ff. de Constit. Princip. E contra Tutor filiis datus non etiam nepotibus datus censetur §. fin. Instit. qui Test. Tutor.

Limita: modò eadem militet ratio in nepote, quæ in filio.

II.

Nepos succedit in locum mortui filii, & quidem licet plures sint, unum tamen filium repræsentant l. 2. §. 7. de Excus. Tut.

Limita: in avo à muneribus excusando Nepotes saltem ex filio, non ex filiabus avo profunt, Perez C. de iis, qui numer. liber. n. 5.

CAP. XII.

Nihil.

Axioma I.

Nihil facere & partem facere sunt paria, l. furiosum 9. ubi gloss. C. qui testam. fac. poss. l. 3. §. 1. commod. ubi re deteriorata reddita, perinde est, ac si non esset reddita; quibus ad stipulatur l. quamvis. §. si convenerit 8. ff. ad SC. Vellej. ubi si quis, qui expromissorem dare convenerat, mulierem, quæ SCti auxilio munita est, dederat, responderetur conditionem locum habere; quid enim interest, juxta Ulpian. ibid. non det, antea det. Pantuchmann. lib. 1. quest. pract. 17. num. 116.

II.

NIHIL & inutile æquiparantur. l. 4. §. condemnatum 6. ff. de re judic. c. sicut urgeri 47. l. 9. 1. nam ex nihilo nihil fit. l. Seia 26. ff. de tutor. & curator. l. ejus 41. ff. de reb. dub. Aristot. lib. 1. de generat. & corrupt. Farinac. in praxi crimin. part. 4. consil. 60. n. 90. & ibi addit Cald. Pereira de emt. & vendit. c. 3. n. 15.

III.

NIHIL fit ex nihilo, vel ex non ente, non fit ens. l. 2. ff. de usufr. l. Seia 26. ff. de tutor. & curat. l. ejus 41. ff. de reb. cred. l. 7. §. cum quis 7. ff. de acquirend. domin. Farinac. consil. 60. num. 90. lib. 1. Mar. Angvis. consil. 167. num. 7. vol. 1. Peregr. conf. 21. n. 19. vol. 4. Monter à Cueva decis. 1. num. 54. Giurba in Consuet. Mess. c. 16. gloss. l. n. 8. p. 1. Canc. var. 2. cap. 5. num. 51. Amat. in repet. l. si emancipati. C. de collat. respons. 9. num. 296. Nolden. de stat. Nobil. cap. 3. num. 22.

IV.

Præstat habere parum quàm nihil, in stabulo asinum quàm stabulum vacuum. Brunnem. ad l. 6. C. de omni agro deserto.

CAP. XIII.

Nobilitas, Nobilis.

Axioma I.

Nobilis patria redundat filiis ad gloriam, l. si quis 3. C. de natur. liber. Unde Ulpian. in l. 1. in princ. ff. de censib. de se gloriatur se nobili ortum esse patria, quamvis Raymund. dixerit illum fuisse rusticum, licet scientia nobilem; quem tamen defendit Bart. & concludit eum fuisse utraque qualitate nobilem in l. excusantur. §. fin. de excusat. tut. vid. Lud. Gomez. ad §. item Serviana. n. 27. Instit. de action.

(B) 3

II.